

山西府縣志輯

中國地方志集成

光緒續修懷山縣志
康熙縣志
乾隆解州夏縣志
乾隆解州南城縣志

中國地方志集成

山西府縣志輯 ⑥3

光緒續修稷山縣志

康熙夏縣志

乾隆解州夏縣志

乾隆解州芮城縣志

鳳凰出版社 ● 上海書店 ● 巴蜀書社

續修稷山縣志序

皇上

續承大寶之五年仁風翔洽海寓又於

山石當大授之後歲稔民和室家完聚於
是

大中丞湘鄉曾公恭奉

明詔

纂修山西通志定檄各屬志書一體修

稷山縣志

序

輯以備通志采擇焉甚盛舉也家鼎備

員茲邑承符從事是役固敢懈謹取

舊志詳攷之溯稷山之有志創始明季

洎入

國朝

康熙乾隆嘉慶以迄同治間代有纂輯

至是蓋五修矣其山川險易疆域沿革

古聖名賢流風故俗舊志章々靡得

移易而孝弟節義之倫文章淵雅

之彥輝煌川岳藻繪

休明

與夫任芻牧而歸循良軒輊

德化

亭毒黔黎主樂公之社稷相鄉之愛者

閱世間生有待彰聞況值

稷山縣志

序

二

承平

日久偶丁百六陽九之運兵燹甫蘇加以

饑饉其間冒鋒鏑懼義利而溝壑而

如歸焉雲荼而靡悔尤足以摧柱人紀

振策衰頽舉宜大書特書不一書以信

今而詔後邑志之修微

大中丞檄抑亦守土者之責也顧有所得

資乎高君列三好義士也出其私財白金一千五百緡以成此舉乃進邑之士大夫相與揚擢博采旁求缺者補之畧者詳之昔無而今有者討論而附益之殫志鉤稽勿敢滅裂深恐有負剡原父誠五代史不為韓睦眼主傳以為二等文字其群

稷山縣志

序

三

策駢力閱數月而志以成而高君之資實乃贏焉爰攷之志東園有韋公初故址事公者有功德斯民及而祀焉者也與邑人士議而新之復稽志乘乎紀官斯土而與韋公後先濟美為明巡撫何公而新諸君凡十人疏其爵里姓氏崇祀於祠之東極

其四極則忠義節孝

部議主興建坊前以資絀僅登之志而未及修建者茲舉而附祀之報功崇德秩然燦然皆高君之力也而其資程未罄則又授之富商歲取其盈以備邑之役需嗚呼為高君者其亦可尚矣乎此古昔聖王

稷山縣志

序

四

國

盛時

家重熙累洽久道化成吾民幸生休養生息日以繁庶閱數十年而志且再修抑其時或更有為事公初以待興舉

者邑人其有司高君之義而踵起也
則守此土者所厚幸也夫是為敘

光緒十有一年歲在乙酉仲冬知稷
山縣事會稽馬家鼎書柱官署



稷山縣志

序

五

稷山縣志續修姓氏

纂修

稷山縣知縣 馬家鼎 浙江會稽人

分纂

稷山縣教諭 武光昌 稷山靈石人

稷山縣訓導 馬佩金 曲陽人

候選教諭 闕廷獻 聘三邑未副貢

內閣中書 鄭克昌 壽州庚午舉人

編次

稷山縣志

卷之一

增 生 鄭鑑如 寶卿

郎 中 杜煥 子英

采輯 右 玉 教諭 王文化 棠南戊午舉人

歲 貢 王育槐

廩 貢 王秉南

岳 陽 訓導 衛樹檣 琴三辛酉舉人

廩 生 焦玉瑞

生 員 韓文濤

申子舉人	甯毓秀
生員	賈鈺 其相
增生	樊鶴鳴
壬午舉人	王熙源 筱泉
增生	王維屏
廩生	解振家 聲三
候補知縣	衛恩奎 鼎三
貢生	賈修
廩生	程毓瑞 符卿
待詔	衛甯從龍 雲亭
生員	王國賓
廩生	王建勳 麟閣
五品銜	杜煥 耀如
廩生	鄭克類 錫卿
理問	段希聖 時齋
按知事	葛克義
廩生	焦聯芳
生員	范青黎

稷山縣志

卷之一

二

候選教諭	杜燦 英三癸酉拔貢
生員	高紹先
監生	馬維新
孝廉方正	張森 寶書
同知	姚鳳芝 瑞軒
生員	程攀龍
候選訓導	張耀辰 樞北
生員	張孝友
增生	史炳耀
候選府經	馬希波 景援
廩生	薛開泰 春甫
增生	趙秉純 靜亭
候選府經	鄭永楨
生員	張鑒
廩生	蘇百安
候選府經	原心釗 健堂
廩生	李春英 錦堂
廩生	趙維漢 倬堂

稷山縣志

卷之一

三

稷山縣志續修目錄

卷之一

建置

城池

祀典

學校
附書院

紀恩

戶口

兵防

職官

宦績

選舉
職吏劄職武科
武秩封贈附

人物

孝義
出粟殉難
遭荒附

藝術

祥異

稷山縣志

卷之一 目錄

藝文
詩附

卷之二

烈女
殉難遭荒
狼災附

思文社在學宮坤隅爲惜字之所肇自咸豐五年邑

令沈鳳翔督同紳士姚鴻漸等集貲創建西房三

楹北房三楹焚鑪一所原捐銀一千三百兩發商

生息歲覓二人常川持筐撿拾妥爲焚化送諸清

流諸紳董其事

土地祠在縣署西同治十一年知縣田依渠重修

宣化門即縣署大門上建鼓樓同治十二年知縣田

依渠重修

洞神宮在縣北迤西乾字城元道人張志林建明嘉

稷山縣志

卷之一 建置

靖四年重修本

朝乾隆二十八年募修光緒二年知縣崔增源督同紳

士李錦等集資重修

邑治東郭外舊有韋公祠明萬歷間知縣李汝器建

邑人梁綱記迤東有中丞何公祠隆慶間知縣孫

倌建梁綱記萬歷間並祀中丞辛公改名二公祠

御史何東序記後復附邑侯馬公楊公孟公貳尹

韓公又名宦祠解元王寬記數百年來墻宇傾

圯一空光緒七年邑侯馬家鼎倡義重建聯兩祠

爲一體因故址爲新宇正堂三楹中楹顏曰韋公
祠專祠韋公東楹顏曰遺愛祠祠何辛諸公西楹
顏曰昭忠祠祠同治六年殉難紳民又治西有解
律公祠亦傾圯不足以崇饗祀東郭外劉公王公
生祠甘棠遺愛祠其故址無可考教諭司公向無
祠宇今一併附祀遺愛祠

節烈節孝坊在縣治東郭外爲闔邑烈女節婦立光
緒七年建

補遺

稷山縣志

卷之一 建置

二

外委宅在縣治東創建不可考歷任屢加修葺內宅
東西朔南共九楹外宅大庭三楹大堂儀門大門
各一楹營總科門房各兩楹稟事廳一楹花園一
座大堂迤西建有神廟數楹

城垣自康熙四十六年重修後風雨摧殘角樓敵臺
雉堞半就圯潰同治七年邑令張丕烈督率紳耆
集貲重葺煥然聿新復濬濠深丈餘

縣西南舊有玉璧渡造舫十餘隻搭建浮橋嗣因
汾流漲發船首半沒於水行人渡涉維艱光緒二
年千總王培墉等稟明邑令崔增源督同諸紳倡
義集貲增置修葺咸資利濟

縣西南七里許舊有柳溝坡險隘不能容兩驂光緒

二年千總王培墉等倡義平治稟明邑宰崔增源

稷山縣志

卷之一 城池

三

集貲督工大加修整行旅稱便事竣立碑道左

光緒三四兩年大祲死者相枕籍邑令潘如海濬坑
邑厲壇後別以男女瘞尸無算爲勒石顏曰荒塚
復捐銀百餘兩置地課租以爲撒米化錢之費飭
三行董其事以經久遠各村死亡絕戶失所憑依
者邑侯馬家鼎責成該村紳董每歲清明十月朔
日備饌栽植以慰餒魂以消厲氣以厚風俗

思文書院之設權輿於乾隆二十六年邑令韋之璣
因府館義學舊址改建而規制宏敞後之擁皋比
資絃誦者爰得所焉特經費闕如宰斯邑者如賀
雨峯諸公延師獎士往往捐廉爲之光緒五年
欽差閻敬銘王炳壇因案籌捐銀二千一百兩發
商生息作爲山長脩膳士子膏火之用並飭議立
章程勒石院中而息羨無幾辦公猶形拮据五年
冬邑宰王希濂捐銀壹百兩七年邑宰馬家鼎尤
加意文教因案籌捐地三十畝銀二百六十五兩
稷山縣志 卷之一 學校 五
錢二百六十二年邑宰馬鑑因籌捐東賑案
內撥捐銀五百二十六兩亦集腋右文之美意云
從祀姓氏

東廡

先儒張履祥 字考夫一字念芝浙
江嘉興府桐鄉縣人

漢儒許慎

尙書張伯行 禮部尙書 贈太子太保
賜諡清恪河南儀封人

西廡

宋儒袁燾 字叔弼
江鄞縣人

先儒陸世儀 字浮亭江蘇太倉州人

漢儒劉德

宋儒輔廣 字漢卿號潛庵浙江人

稷山縣志

卷之一 學校

六

光緒三年奉

旨蠲免下忙地丁銀二萬六千六兩八錢八分一厘

隨免耗羨銀三千三百六十八兩四錢四厘

四年奉

旨全免通年地丁銀五萬一千八百一十四兩九分

四厘隨免耗羨銀六千七百二十三兩三錢四

分二厘

五年奉

旨蠲免下忙地丁銀二萬四千三百一十五兩六分

稷山縣志

卷之一 紀恩

七

八厘隨免耗羨銀三千一百五十四兩四錢四

分九厘六毫

永遠豁免老荒地二千六百九十畝六分五厘

九毫地丁銀一百五十四兩三錢三分八厘四

毫隨免耗羨銀二十兩六分四厘

無主新荒地一萬九千八百九十畝六分一厘

奉

旨自光緒五年起停徵四年共免地丁銀五千六百

九十一兩一錢七分四厘八毫隨免耗羨銀七

百二十九兩八錢五分二厘八毫

有主荒地二萬二千四百九十五畝五厘奉

旨自光緒五年起停徵三年共免地丁銀四千九百

二十九兩四錢九分八厘三毫隨免耗羨銀六

百四十兩八錢三分四厘八毫

五年吳屬等二十一村被災奉

旨免徵上忙地丁銀一千八百三兩三錢六分八厘

五毫隨免耗羨銀二百三十四兩四錢三分四

厘八毫

稷山縣志

卷之一 紀恩

八

五年坑東薛村西柏壁三村奉

旨豁免河灘淤泥米一十五石八斗五升四合四勺

三年十月起陸續放賑動用常平倉谷八千六

百五十一石五斗五升儘敷動用闔縣社義兩

倉谷五千三百一十四石八升五合二勺又用

過奉

旨頒發賑糧八千二百三十六石一斗四升九合本

邑捐輸銀二萬四千六百六十九兩七錢四厘

四年撥給麥種銀四千兩蕎麥三十石變價銀

二百二十五兩

放散籽種動用常平倉谷二百六十石五斗七

升八合

五年放散秋種錢一千四百二十七千七百七

十二文

五年撥發耕馬十六匹除倒斃外實收八匹撥

發耕牛二百隻除倒斃外實收九十三隻所有

皮角馬牛俱平價散賣共得銀九百四十九兩

九厘放散籽種墾荒捕狼動用無存

稷山縣志

卷之一 紀恩

九

四年十月初一日起至五年六月底止奉

旨停止應征牲畜稅正餘銀兩

光緒五年九月初一日起六年六月三十日止

豁免田房稅

戶口

光緒三年被災以前土著民人共二萬八千二百三十四戶男女大小口二十二萬四千三百八十七口光緒六年土著民人共二萬一千六百九十八戶男女大小口七萬四千七百一十六口

稷山縣志

卷之一 戶口

十

國朝康熙五十七年平陽總兵金奏請州縣未設駐防者於百隊中拔一人領之於是稷山始設外委把總一人守兵七名駐縣城而統轄於平陽營光緒九年分鎮平陽守府白因晉省自遭大祲之後人丁稀少裁汰兵丁三成現駐守兵五名

國朝駐防城守把總

趙履中

平陽府人行伍
同治七年任

武占鰲

平陽府人行伍
同治十二年任

武事

稷山縣志

卷之一 兵防

十二

同治元年流匪數百人自潼關竄入縣南假官軍號騷動一晝夜掠粟辱民城鄉戒嚴

同治六年十一月二十三日捻逆小閻王由秦窺晉勢甚跳梁自吉州出河津之西峪口擾入縣境盤踞楊史里南陽一帶邊馬四出蹂躪居民逃入北山或各據堡寨被害男婦五百七十五名被裹男丁二百一十五名燒燬廬舍一千九百八十六間掠去騾馬牛驢八百三十一頭知縣張丕烈督率寮佐紳耆建立旗幟嬰城固守幸老湘卓勝兩軍

追蹤而至賊遂沿汾東窺全境始安

同治八年豫饑匪徒流入縣界數十成羣強索米錢
城鄉戒嚴旋以謀逆事發鄰封守令嚴詰逆黨始
聞風遠颺

稷山縣志

卷之一

兵防

主

知縣

同治張丕烈
順天府寶坻縣翰林五年任

孫國恩
順天府通州舉人八年任

田依渠
河南長葛縣進士十一年任

崔增源
直隸清苑縣貢生十三年任

光緒王懋庚
雲南寶甯縣四年任

馬家鼎
浙江紹興府會稽縣七年任

教諭

同治趙光國
平遙縣附貢七年任

稷山縣志

卷之一

職官

三

光緒武光昌
靈石縣廩貢元年任

訓導

光緒馬佩金
陽曲縣優貢七年任

典史

同治趙含章
浙江嵊縣三年任

葉樹勳
安徽六安州八年任

王以肅
順天府宛平縣七年任

秦漢章榮河縣舉人咸豐十年任訓導品端學遠不立崖岸甘淡泊寡嗜慾身教有方遇生徒未嘗疾言厲色操守廉潔不以學規行其勒索門生段某家棊貪分潤百餘金鄰封負笈者因材迪誨脩脯之厚薄不與較其雅操爲一時冠蒞任十八年陞大同府教授

稷山縣志

卷之一

官績

函

國朝進士

同治戊辰會試洪鈞榜

王文在翰林院編修

舉人

同治丁卯

杜煌

同治庚午

段自勇候選教諭

鄭克昌

同治癸酉

稷山縣志

卷之一

選舉

表

賈任

衛作宮

光緒乙亥

王登漢

光緒己卯

甯遇康

光緒壬午

馬振海

王熙源

裴文萃

解鎰

鄉貢

同治

張鑄 五年歲貢

楊清選 七年歲貢

王育槐 八年歲貢

鄭克昌 九年優貢

高光奎 九年歲貢

杜燦 十二年拔貢
候選州判

劉玉書 十三年恩貢
候選州判

丁全和 十三年歲貢

稷山縣志

卷之一

選舉

去

光緒

崔濬 元年歲貢

辛冲霄 二年恩貢

王兆魁 二年歲貢

王淳 二年優貢

李樹棠 二年恩賜副貢

景星耀 四年歲貢

王兆泰 五年恩貢

王國楨 六年歲貢

杜炳 八年恩貢

甯調元 八年歲貢

王澂 十年拔貢

馬吉來 十年歲貢

職吏

王炳壇 前道銜兵部主事
署直隸景州知州

王文在 翰林院編修前雲南
大主考湖北學政

姚紀 戶部福建
司郎中

杜煌 和州州同在
任候選知州

稷山縣志

卷之一

選舉

七

衛樹椅 候選州同前
岳陽縣訓導

鄭克昌 內閣中書癸酉科
順天鄉試彌封官

賈任 內閣中書

賈步沼 現任天鎮
縣訓導

王文化 前右玉
縣教諭

衛如洪 同知銜前保
定府經歷

衛恩奎 浙江候補知縣
前處州府經歷

甯登雲 府訓導
前任甯武

吳葵元 前任趙城
縣訓導

程思敬 前署甯武山陰訓導

馬振海 前署榆社縣馬邑鄉訓導

王蘭階 麻峪州吏目

焦挺然 靈壽縣典史

王金鑑 商南縣典史

李鶚雲 大竹縣典史

劉太和 彭山縣典史

劉廷麟 平羅縣典史

杜登臺 延川縣典史

稷山縣志 卷之一 選舉

孫國璽 典史

例職

甯高峰 賈棟 以上運同銜

杜煥 郎中 王文秀

趙筆華 高景參

姚鳳芝 任天授 以上同知銜

杜煥 五品銜禮部鑄印廳

李文魁

李武魁 段振綱 以上五品銜

鄭克明 王戡 以上光祿寺署正

張森 孝廉方正 賈祥盛

段希聖 王培坤

鄭維精 李育賢

張映庚 王貴林

董咸亭 賈鍾美

史佐柱 高景堂

任肯來 以上布政司理問 賈立本

李清泰 以上布政司經歷 馮天祥

薛浩 趙汝礪

稷山縣志 卷之一 選舉

馮景椿 甯福堂

任秉鉞 甯麟祥

蘇青莒 高維嶽

丁永耀 以上州同 王如履 六品銜

王聚德 布政司都事 王崇直 六品銜

鄭浩瀛 張兆吉 以上布政司照磨

杜若楓 州判 鄭克順 八旗教習

杜若樺 按察司知事 衛邦茂

張和邦 賀峰宗 以上按察司照磨

甯清選	馬希波
原心釗	鄭永楨 以上府經歷
段希智 教諭	張耀辰 訓導
王富林	王在快
黃光彩	王懋德
張聯奎	史懷珠
杜作桓	黃茂林
原春芳	楊時敏
張懷仁	蕭如桂
稷山縣志 卷之一 選舉	王仰康 八品銜
甯麟閣 以上縣丞	
甯加忠 八品銜	
國朝武舉	
同治丁卯	
趙興仁	
同治癸酉	
焦中魁	
武例職	
甯玉和	甯高陞

趙韶華	段純臨 以上都司
杜若桂	杜若梅
王培墉	原登鳳
李凌雲	楊文彥
張福堂	馬斌來
薛文炳 以上守禦所千總	段振紀 武德佐騎尉
李景運 衛千總	文俊哲
焦鍾毓	高錫齡
劉玉光	閻茂魁 由武生
稷山縣志 卷之一 選舉	
賈奎耀	程奉篋
龔慶泰 以上營千總	